

## БАЙРИН КҮЧН

Приютненск района Приманьческ МЖС-д ирсн хальмгуд ик гидг байртагъар гер бярлгънә кӧдлмшт кӧдлджәцхәнә. Кӧвүд селән деер хаврас нааран 46 өрк-бүл нүүдж ирснд МЖС-н директор үр Стрижков Максим Николаевич сән гидгәр оньган өгч, цугтаднь бәәх гер олдж өгәд, тааста кӧдлмштнь орулдж кӧдлджәнә.

1957 джилд МЖС-н зурагъар 30 гер бәрхин ормд 50—60 гер бәрхәр хамг тосхлтин материал белддж, үвл ирхәс урд чиләхәр шиидджәнә.

МЖС-д кӧдлджәх хальмгуд үнн седклән өгч кӧдлджәцхәнә. Шофер комсомолец Мучкан Буджгър ус зӧӧдг машинд кӧдлдж, колхозин малмуд ус-

ар тетгсн-деерән, гермүд бәрджәх бригадсар зогсл уга ус зӧӧдж, өдрә кемджәгъән 200—250 процент күцәнә. 16 өрәтә герин сүүр белдлгънд Оргдга Шовгър гидг 67 наста, дакад 63-та Äвгнә Джиджә гидг хойр өвгн өдрә кемджәгъән 140—150-д процент күцәнә.

Герин эрс тосхлгънд Гака Эрнджән, Музран Чимд, Бондан Мирлуш, Лиджин Митя кӧдлцхәнә. Эдн кӧдлмшән кинән кевәр кедж, өдрә кемджәгъән 170—200 процент күцәцхәнә. Терз, үүд кедгәр Бондан Петр гидг 64-тә өвгн кӧдлдж, өдрә кемджәгъән 180—200 процент күцәнә.

МУЗРАН ДӖГМД,  
Кӧвүд селәнәс.